

NY VALOSOA

Gazety mische intelo isan-kerinandro
(Tolata - Alakamisy - Sabotsy) VAOVAO

Alakamisy 19 novambra 2020

Laharana 1095

Vidiny : 400 Ar

www.gvalosoa.com

gvalosoa@yahoo.com

facebook : gazety valosoa rakoto

Filoha Ravalomanana 3

Tsy hangina ny mpanohitra satria sahirana ny vahoaka



Fiainam-pirenena 2

Loham-pety ny mpitondra ka manosihosy lalàna



Andapa sy Sambava 6 7

Hitokona ny mpandraharaha sy mpamboly lavanila



Ady amin'ny zava-mahadomelina 6

Voasambotra ireo roalahy mpivarostra rongony amin'ny mpianatra

Afrobasket 2021 any Kigali 5

Fantatra ireo mpilalao Malgasy hiatrika ny fifanintsanana

Daka kely

Boxe sy moraingy no hain,
ny lisany ry Boaikely fa
tsy ny mitondra !

FIAINAM-PIRENENA

Loham-pety loatra ny mpitondra, ka manosihosy lalàna

ngahy Filoha ankehitriny dia diso fantatry ny rehetra, fa mpikosoka kapila, mpampandihy an'ireo maimbo alina, ankoatr'izay dia mpikarakara lanonana izy, tsy misy maharatsy an'izany satria tsy misy asa ratsy, fa ny manahirana dia lasa toetra raiki-tapisaka aminy ny fanaovam-pety lava tsy misy farany, hany ka raha noeritretina ahitana fahafinaretana dia mety ho fahasahiranana indray no azo.

Tamin'ny taona 2007 vao nilatsaka ho ben'ny Tannàna Ingahy Rajoelina dia ny maha-mpikosoka kapila, azy no nohindraindraina, nambara fa tanora manana fomba fijery vao-vao, sady mpandraharaha vao misandratra hanova ny tontolon'ny fihariana eto amintsika, natao ny fidifianana dia lany toko aity nambara ho tanora vao misondrotra, tsy nijanona teo fa nirosa tamin'ny fanganampanjakanana ny taona 2009 ary ny farany teo tamin'ny voalohan'ny taona 2019 dia voafidio ho filohampirenena tamin'ny fidifianana feno hosoka, satria miteny ho azy ny fanambarana nataon'i Thierry Rakotonarivo momba ny tsy fahalavorarian'ny lisi-pidifianana.

Fitaovana nentin'Ingahy Filoha nambaboana ny mpifidy ny fanaovam-pety lava sy fanaovana fihetsiketsehana ivelany amin'ny alalan'ny fampiderana "maquette" mampilendella, dia mbola izany no ataony hatramin'iao efa filoha izao, tsy miasa saina amin'izay lalàna velona misy eto amin'ny firenena Ingahy Filoha, f'izay hahatampina ny masombahoaka no mahamaya zay.

Hfkf

Hetsika haram-baton'ny faha-60 taona, hoentina hanatsarana ny rafi-piarahamponina

Sehatra iray ahafahan'ny olona mandinika ny fiainan'ny Krisitianina eto Madagasikara, tao anatin'ny 60 taona lasa ny hetsika "Haram-baton'ny faha-60 taona" ary nodinhan'ireo mpino Kristianina nandritra ny fifanakalozan-kevitra, ireo zavatra nahomby vitan'ny Malagasy tao anatin'ny vanimpotoana lasa ary ireo lesoka tokony harenina ho an'ny 60 taona manaraka. Nilaza Andriamatoa Rasolondrainibe Mamy, mpandrindra ny hetsika Hfkf, fa mba hahafahana mandrafitra fehin-kevitra iray amin'ity hetsika ity dia misy loha-hevitra miisa 10, ahitana an'ireo sehatr'asa manan-danja eto



Nandritra ny fihibohana dia nisy ny fepetra ara-pahasalamana tsy tokony hahafahana mamory vahoaka, kanefa dia Ingahy Filoha nikabary isa-tapabolana no lohany amin'ny tsy fanajana lalàna, ary ity filohantsika ity dia anisan'ny zava-dehibe anka-fiziny ny mahita vahoaka be dia be.

Amin'izao fotoana izao na dia efa tsy mihàtra intsony aza ny hamehana ara-pahasalamana sy ny fihibohana dia tsy mbola foana ireo fepetra toy ny fanajana ny elanelana iray metatra, ny fanaovana arotava, ny famoriambahoaka dia tsy tokony hihatra ny roanjato, tsy izany anefa no hita eto amintsika, satria ny famerana ny isa dia natao ho an'ny mpanohitra sy ny mpanankato malagasy, fa ny avy any ivelany dia malalaka afaka manao izay danin'ny kibony, tsy misy fanarahana fepetra, ny mahatsikaiky aza, Ingahy Tale Jeneralin'ny Kolontsaina, izay nitabataba tao amin'ny fahitalavitra, fa tsy azo atao ny famoriambahoaka mihoa-tran'ny roanjato ary nani-

zingizina mihitsy ity mpanakanto mpampiomehy ity, fa azo akatona avy hantrany izay tsy manaja fepetra, ankehitriny dia miala ilany Ingahy Tale Jeneraly Francis Turbo, ka nanambara fa tsy misy idiran'ny minisitera hono ny lanonana ataon'ireo mpanankanto vahiny, fa andraikitr'izay nanome alalana, ny tena marina dia voafetra ihany ny fefefana ampelatanan'ny ministera, fa mbola misy ireo afaka manindry avy ambony. Tamin'ny talata teo, andro nanaovana ny lalao fame-renana teo amin'ny mpilalao baolina kitra Malagasy sy Ivoriana tany Barikadimy Toamasina, dia ankasitrahana tanteraka aloha ny fanapanahankevitra noraisin'ny CAF, nandray fepetra nanao ny lalao tao anatin'ny kianja mihidy, tsy atrehan'ny mpifery, afa tsy ny mpitondra vitsivitsy ihany no mahazo alalana hijery, saingy ny mpitondra eto amintsika nasesiky ny fitiavam-pety dia namorona lanonana ivelan'ny kianja, name-traka "écran géant" aha-zoan'ireo vahoaka mana-

raka ny lalao, ireo tompon'andraikitra nikarakara ny hetsika famoriambahoka dia azo antoka fa mpaka tahaka an'Ingahy Filoha sady efa nahazo fankatoavana avy aminy koa, nahamenatra ny zavandiseho satria ny CAF nandray fepetra niaro ny fahasalam'an'ny vahoaka Malagasy saingy ny mpitondra eto amintsika indray no nihoa-pefy. Amin'izao fotoana izao, tsy mbola tsy voavaha ny olana momba ny kere, kanefa ny mahadodona an'Ingahy Filoha dia ny fanaovana fihetsiketsehana indray nanamafy ny fangananana ilay "Miami" tao anaty "maquette", mbola famoriambahoaka koa izany. Ny vokatr'izany rehetra izany dia ahiana hahazo vahana indray ny aretina koronaviriosy, satria loham-pety loatra ireo mpitondra ka tsy mampiassa ny saina amin'izay aretina ho avy eo, fa ny mahamaika dia ahoana ny ahazoana dera vory vahoaka na dia ahafaty ireo mpiray tanindrazana aza ny tsy fanarahan-dalàna.

Ny Valosoa



Ny fivorian'ny HKFK Faravohitra.

amin'ny firenena no nodinina sy nofakafakain'ireo mpino Kristianina, sy ireo olona manana traik'efa eto amin'ny firenena, nanomboka ny tapaky ny volana Oktobra 2020 lasa

teo ary hifarana amin'ny Novambra 2020 ho avy izao. Nanohy fanazavana ity tompon'andraikitra ity, fa hodinihin'ireo mpandray anjara indray mandeha isa-kerinandro ireo

loha-hevitra miisa 10 ireo ary mandroso vahaolana sy soso-kevitra ireo fahany, amin'ny zavatra mety tokony hampandroso arapanahy ny fihahamponina Malagasy. Marihina fa tsy maintsy mifanaraka amin'ny tari-dalana araka an'Andriamanitra ireo fotokevitra rehetra izay nodinina sy mbola hodinihin'ny mpandray anjara. Tsiahivina fa etsy amin'ny Arrup Faravohitra no anatarahana ny fanakalozan-kevitra ary hambara amin'ny fomba ofisialy amin'ny faran'ny volana Desambra 2020 ho avy izao ireo fehin-kevitra voafantina.

Franck Razakambelo

Ny Valosoa sy fakafaka

Am-piainanan'ny mpitondra ny tsy sahaza azy ny vahoaka Malagasy

Vahoaka tsy mahazo ny sahaza sy mendrika azy isan'andro eo amin'ny lafiny sakafo, fanabeazana, fahasalamana, filaminan-tsaina, fihariana, fifaliana, sns... eo amin'ny tanindrazany ny vahoaka Malagasy, raha ny zava-misy iainany amin'izao fotoana izao. Manampy trotraka izany ny fiezahan'ny mpitondra hifehy azy tsy hanam-pahalalahana sy fahafhana miaina malalaka toy ireo vahoaka any amin'ny firenena mahay mampiassa ny tena atao hoe démôkrasia. Fihatsarambelatsihy no betsaka eto raha miresaka ity demôkrasia ity. Miendrika fampilalao-vana ny vahoaka fotsiny amin'ny teny tsara lahatra sy fanaovana azy ho toy ny zazabodo sy bado ny filazana io teny io eto. Aoka hazava ny resaka, fa tsy misy demôkrasia izany eto raha mbola tsy misy ny fahalalahana miteny sy maneho hevitra. Izany anefa no miseho eto, indrindra niharihary io trangan-javatra io tato ho ato. Ary nanaitra ny sain'ny mpanarabaovao maro sy mpamakafaka ny raharaha-mpirenena ny filazan'ny manam-pahefana, fa hofehezina ny hetsiky ny mpanohitra. Midika izany, fa tsy tany demôkratika i Madagasikara. Ny hetsiky ny mpanohitra izany any amin'ny tany mandroso sy efa manana toe-tsaina malalaka, dia mamela azy hanatanteraka ny ataony, fa ny ataon'ny mpitandro filaminana dia ny manao aroriaka fotsiny ihany eny amin'izay toerana alehany. Hita matetika izany, na any Frantsa iankohofan'ny mpitondra sy alainy tanteraka aza. Ny eto amintsika vao mihetsika ny mpanohitra, dia efa ratsy ny sain'ny mpitondra. Tsy mahazaka demôkrasia. Asan'ny mpanohitra anefa ny mitsikera ny fitondrana.

Anisan'ny asongadin'ny fikambanana samihafa, ary misy ireo tena manizingizina, fa voahitsakitsaka ny zon'olombelona eto Madagasikara. Mahazo vahana ny tsy rariny "injustice" atao amin'ny vahoaka, ary ny fitondrana no manao izany, raha ny nambarany. Mandeha izany tsikera mavesatra izany, fa tsy hita mihitsy izay ezaka ataon'ny fitondrana ho amin'ny fanatsarana ny fiainam-bahoaka. Laraha-mahita tsara izany amin'izao fotoana izao. Zaran'ny fitondrana aza misy toy ireny lalao baolina kitra ataon'i Barea ireny hahavery dia ilay vahoaka tsy hifantoka amin'ny tsy fahombiazan'ny fitondrana amin'ny andraikiny. Tsy isan'andro anefa no hisy toy ireny, fa tsy maintsy matrika ilay fahasahiranana ara-tsosialy amin'ny fiainany andavanandro ilay sarambabem-bahoaka. Tsy maintsy matrika ary tsy maintsy miady, mba tsy ho resin'ny fiainana. Vahoaka teren'ny fahasahiranam-piainana ary mbola terena hiafiafy ihany koa eto an-tanindrazany ilay vahoaka malagasy. Misy mikendry izany mandrakariva sy mahazo tombontsoa amin'izany ao ambadika ao.

Sôh'son

Dokam-baratra

NY VALOSOA

Gazety miseho intelo isan-kerinandro (Tolata - Alakamisy - Sabotsy)

Tel. 034 79 076 00

Ny Valosoa sy hadihady

Fiainam-pirenena

Mitady ho kendar'ny vomanga nasesiky ny tànany ny fitondrana

Anisan'ny vaovao tena mahasarika ny vahoaka gasy tokoa tato anatin'ny roa andro, ny lalao baolina kitra nihaonan'ny Barea Madagaskara sy ny Elefanta avy atsy Côte d'Ivoire. Efa tsara rehefa nanao ady sahala ny roa tonta ary mitovy ny isan'izy ireo ao anatin'ny vondrona K misy azy. Raha ny tombana ataon'ny mpanaraka baolina kitra dia efa any Cameroun ny tongotra ilan'ny Barea. Tombatombana ihany izany fa saratra ny mahafantatra ny havoaky ny hampitso. Tsy mbola afaka mirehareha araka izany ny gasy, fa ny ho avy no hahafantarana izay ho avy. Ny fanontaniana mipetraka anefa dia hitondra inona eo amin'ny fiainam-pirenena sy ny fiainan'ny Malagasy eo amin'ny lafiny sy ny sehatra isa-tokony izany? Raha fintinina dia tsy hampivoatra na inona na inona eto amin'ity Nosy ity ny resaka baolina kitra. Raha ny zava-nisy nandritra iny lalao iny dia tsy voahaja intsony ny fepetra napetraka iarovana amin'ny valanaretina, izay iaraha-mahalala fa nampikorosofhana ny fiainan'ny olona maro sy ny toekarena amin'ny ankapobeny. Ny tena zava-doza dia ny ao amin'ny fitondrana mihitsy no mampianatra na manome modely ny vahoaka tsy hanaja izany fepetra izany. Nahaentana olona maro ihany koa ny hetsika nataon'ireo parlementera tany Antsirabe tamin'ny faran'ny herinandro teo. Raha ny tranga hatramin'izay dia tsy azo ekena ny mitarika olona midina eny andalàmbe, saingy ny nifanohitra tamin'izany no nitranga tany Antsirabe. Tsy navela niditra tao amin'ny Magro ny olompirenena liana tamin'ny tatitrity ny fivoran'ny Antenimiera sy fampahafantarana ny zavatra iainan'ny firenena eo amin'ny sehatra rehetra. Nifanohitra tamin'ny tany Mahajanga ihany koa iny tranga iny, ka tsy fantatra intsony fa tsy mitovy ny lalàna mihàtra eo amin'ny Faritra samy hafa satria tsy navela namory vahoaka tao amin'ny Magro, satria tsy mifefy,

ko ny parlementera. Amin'izao fotoana izao dia namoaka fanapahan-kevitra indray ny OMC nivory ny alatsinainy teo fa tsy azon'ny depiote lany tany amin'ny distrika iray ny mamory vahoaka na manao tatitra any amin'ny distrika hafa tsy nahavoafidy azy na dia mitondra ny anarana Solombavambahoakan'i Madagaskara aza izy ireo. Raha ny fijerin'ny fitondrana dia miteraka korontana izany fanaovana tatitra izany, indrindra amin'izao fotoana fanomanana ny fidianana loholona izao. Laraha-mahalala anefa fa tsy mifanaraka amin'ny Lalàmparenorenana ny fanatantarahana izany fidianana izany satria very zo ireo mifidy vaventy any amin'ireo kaominina mbola tsy tanteraka ny fidianana. Tsy mbola voafidy koa ny filohan'ny Faritra sy ny mpamolotsainam-paritra sy ny Faritany ary ny filankevity ny Faritany. Araka izany dia izay fanapahankevitra raisin'ny fitondrana izany dia mifanohitra amin'ny Lalàmparenorenana avokoa kanefa izao fitondrana izao no niketrika ny Lalàmparenrena iainana amin'izao Repoblika IV izao. Tongatonga ho azy teo amin'ny fitondrana izany ireo tomponandraikitra ireo, ka mitady ho kendar'ny vomanga nasesiky ny tànany ihany. Nambaran'ny filohan'ny Repoblika tamin'ny fampielezankeviny, fa ho foanany ny Antenimierandoholona fa mandany vola be. Ireo ao anatin'ny antokony ihany anefa amin'izao fotoana izao no mibosesika ho kandidà amin'ny fidianana Lo-holona amin'ny volana desambra ho avy izao. Sahiran-tsaina daholo na ny politisiana na ny olompirenena tsotra satria fanovàna mizotra any amin'ny fikorisana mamotika firenena izao ataon'ny mpitondra izao. Mifanipaka toy ny valala an-karona sy mifanjika ary mifankahala mihitsy aza anefa izy ireo amin'izao fotoana izao.

Andry Tsiavalona

Filoha Ravalomanana

Tsy hangina ny mpanohitra satria sahirana ny vahoaka



Ny fivoriana tetsy Bel'Air omaly.

voriana, nambarany fa mila manaraka fitsipiky ny antoko na discipline iyo, tsy misy ny fiasankinam-pirenena. Noho ireo antony ireo, miaina ao anaty tebiteby ny rehetra. Nohazavainy nandritra izany fa ny antoko politika ny tanjony dia ny haka fahefana, hamerenana amin'ny laoniny ny fiainam-bahoaka izay mikrosy fahana ankehitriny. Tsy misy ny fifampitokisana eo amin'ny mpitondra sy ny entina. Ho an'ireo olom-boafidy TIM no-

tana, atsaharo ny fampitahorana, ny kolikoly mahazo laka amin'izao fotoana. Tsinjarao tsara ny volampanjakana, satria tokony hisitraka izany avokoa ny vahoaka tsy ankanavaka, fa tsy olona voafidify ihanay. Notsindriany fa maro an'isa ny ao amin' ny fanoherana amin'izao fotoana eto amin'ny firenena. Mahakasika ny fidianana senateran'i Madagascar kasaina hatao amin'ny 11 desambra ho avy izao, tsy handray an-jara amin'izany ny antoko

TIM sy ny fanoherana satria tsy feno ny fepetra rehetra tokony hanatanteraha io fidianana tsy mivantana io. Nandray fitenenana tamin'izao fivoriana izao ihany koa ny sekretera jeneralin'ny antoko TIM, Rina Randriamasinoro, fampitam-bao-va, fameloma-maso indray ny antoko, ary fampahatsiahvana ny fitsipika mifehy ny antoko ny anton'izao fivoran'ny collectif des élus Maires et conseillers izao hoy izy.

Isambilo

RAHARAHAM-PIRENENA

Mibirioka any amin'ny tsy izy ny mpitondra eto amintsika

Mahalasa saina ny maro ny zavamisy eto amin' ny fi-renena ankehitriny, tena mibirioka any amin'ny tsy izy mihitsy fa tsy araka izay nampanantenaina tamin'ny fampielezan-kevitra ny mpitondra eto amintsika, tarihan'ny filoha Andry Rajoelina. Tsy mivaky loha amin'izay fahasahiranana mahazo ny vahoaka Malagasy ny mpitondra, fa ny mampetipety azy sy ahazoana doka hoe mahavita zavatra fotsiny no mibahana ao antsainy, na fanapahan-kevitra mampitondra faisana ny mponina misy ireny lazaina fa hanaovana fotodrafits'asa ireny. Ravaina ao anatin'ny hamehana ara-pahasalamana sy indray mapi-maso ny trano fonenan'ny fianakaviana maro toy ny tany Barikadimy Toamasina na efa midradradradra, fa tsy manan-kaleha aza ireto farany. Ny trano fivarotana ampiasain'ireo mpandrarahra Malagasy ravaina tsy amin'anton'y mazava. Tsy hita akory izay ampiasàna azy fa dia ravaina fotsiny tsotra izao, fa hoe tsy manara-dalàna hono, nefy misy taratasy fifanarahana teo amin'ny mpitantana ny Tanàna teo aloha sy ny tompon'ny tsena. Tsy eto Antananarivo ihany no ahitàna izany tranga izany, fa misy any amin'ireo renivohi-paritany hafa toy ny any Fianarantsoa. Ankehitriny indray dia atao laza masaka ny hanaovana MIAMI any Toamasin, ny kianja Tanamasoandro eny Imeritsiatosika. Lazaina daholo izao fampanantenana rehetra izao nefy tsy hita akory izay tena hiafarany. Ny Bulding mora amboarina eny lvato toa lasa bizina satria tsy fantatry ny Malagasy ny marina momba ny fanam-boarana azy. Tsy natao ho an'ny madinika fa mitovy amin'ny trano amboarin' ilay orinasa malaza be mahazo tany maro eto Antananarivo. Ao anatin' izany rehetra izany dia tsy eritreretin'ny mpitondra mihitsy ny resaka sosialim-bahoaka. Ny vidimplainana tsy mitsahatra miakatra izay efa tsy takatry ny fahefa-mividin'ny vahoaka Malagasy intsony, indrindra ny vidimbary raha tsy hiteny afa-tsy izay fotsiny. Ny kere any amin' ny faritra Atsimo vao mainka miha-mahazo laka, fa tsy misy vahaolana mahomby. Tsy laharam-pahamehan'ny fanjakàna izany fa ny fisehoana ivelany, ny mahafaly aloha vao ny mahaso. Ny tena laharam-pahamehan' dia ny fisakanana sy fanapenam-bava ny mpanohitra tsy haneho ny heviny na dia ao anaty lalam-panorenana aza ny tokony hanaovana izany.

Helisoa

TONONKALO

NY MAHAMAIKA ANAY VAHOAKA

(Akon'izay niseho tao Arivonimamo)

Nanantena be 'zahay fa hisy vatsy hozaraina, Ka dia niomana aok'izany, velon-kira vao maraina. Kanjo inona no teo, ny maso foana no nangaina, Fa tsy tonga ilay nandrasana ka dia tena nody maina!

Tena mafy ny manjo, mavesatra ny tsy fisiana. Tao anaty fihibohana, be ny ngidim-pahorianana, Ka tsy dia ny ho eny an-kanja no hampisy fifaliana Fa ny hahazo vatsy tohana, sy 'zay mety hoe habeny, Izay ny anay fa raha kabary, efa mankaleo ireny!

... Izay ny anay no mahamaika raha antsoina ho eny an-kanja, Fa tsy hoe hijery fiara Cadillac tena manja,

Fa hihaino ny mpitondra hanao kabary tsara rindra. Fa ho anay izao, vatsy tohana, izay no tena maika indrindra!

Tena noana anie 'zahay fa tsy fitia te hitaraina! Na ny paosy na ny nongo, 'ndeha jereo fa tena maina. Tsy mpitondra mihoerahoera, tsy izany izao no ilaina Fa izay mety ho vatsy tohana mba ho tena tonin'aina !

TETIBOLAN'NY ANTENIMIERANDOHOLONA

Fanavakavahana sy fitongilanana no ataon'ny mpanatanteraka

Nanantotsa fivoriana azon'ny besinimaro natrehina ny Antenimierandoholona afak'omaly. Fivoriana nentina nifanakalozana ny mahakasika ireo raharaha anatin'ao anivon'ny Antenimierandoholona. Lahadinika tamin'izany ny momba ny fitantanana ny tetibolan'ny Antenimierandoholona, sy ny ho fizotrizao fivoriana ara-potoana faharoa izao. Nandritra io fotoana io no nanaovan'ny kestora voaholana'ny Antenimierandoholona, ABDIRASSOUL Mourrad tatitra fohipohy, mahakasika ny fampan-dehanana sy fitantanana ara-bola eo anivon'ity Andrimpanjakana ity. Nambarany, fa raha ny voafaritra ao anatin'ny lalana mifehy ny tetibolampanjakana nasiam-panitsiana dia mitentina 24 miliara ny tetibola natakana ho an'ny Antenimierandoholona, kanefa 19,5 miliara no nomena, fa ny 4,600 miliara Ar kosa dia tsy azo nampiasaina. No-lazainy ihany koa fa mbola tsy misokatra ny SIGFP ho an'ny Antenimierandoholona hatramin' izao.



Ny fivoriana tetsy amin'ny Lapan'ny Antenimierandoholona Anosikely.

Raha ampitahaina amin'ireo Ministera sy Andrimpanjakana hafa dia sokajian'ireo mpikambana amin'ny Antenimierandoholona, fa tsy fanarahandalana, sy fanavakavahana ary fitongilanana no ataon'ny mpanatanteraka amin'ity Andrimpanjakana ity amin'izany fitantanana ny volam-panjakana izany.

Ny Filohan'ny Antenimierandoholona, Rivo RAKOTOV ро kosa nandritra ny valandresaka nataony tamin'ny mpanao gazety dia nanamafy, fa notapahana avokoa ny tombontsoa ao amin'ny Antenimierandoholona, nefo na eo aza izany dia miezaka hatrany izy ireo hamita ny asa, ka izany dia hatombony amin'ny famolavo-

lana ny fandaharam-potona mandritra ity fivoriana ara-potoana faharoa ity, izay efa notanteraha. Nambarany ihany koa fmbola misy ny fitoriana nampetrak'izy ireo eny amin'ny «Conseil d'Etat», ka eo am-piandrasana izay ho valiny izy ireo amin'izao fotoana izao.

Isambilo

Mazotoa mihira

Andro vitsivitsy lasa izay dia namoatsampona indray ny fitondrana nanosihosy ny tantara, satria ilay Rovan'Antananarivo hatramin'izay dia novana indray hoe Rovan'i Madagasikara hono, f'angaha vitan'izany fa nandika lalana satria tsy mbola nahazo ny fankatoavan'ny Antenimiera roa tonta, ity hira ity dia manazava ny mikasika an'Antananarivo, Analamanga fehizay.

ANTANANARIVO**Mpamorona : BariJaona****Mpihira : BariJaona sy Odette Suzanah**

Mba fantatrao ve ity vohitra ity
Somary ntaolo fa maro-pitia
Ifanotofan'ny olo-mandaloo
Tia hirahira sy tia kalokalo

Antananarivo ikaloy
Havoana mora fantatra
Antananarivo tsy mba foy
Fanao ankamantatra
Analamanga fehizay
Edena maminay
Tsy lefy tsy miova io hatrizay

Endrey tazano ny hatsaran'
ilay larivo, tsy mba roa
Taratim-bolana any ho any,
mahamanina tokoa

Vahiny ve tsy ho tamana
Rotsirotsin'ilay tanana
Amin-kira ivaiva
Manakoako takariva.

**Sakafo Ny Valosoa**

Akoho gasy saosy indray no laoka amin'ny Sakafo eto amin'ny gazetinao androany. Atao saosy amin'ny voatabia sy tongolo izany akoho gasy izany. Dia ma-zotoa homana tomponko.

NY VALOSOA sy Mahaso**Ny soa azo avy amin'ny radriaka**

Ny soa azo avy amin'ny radriaka indray no Mahaso eto amin'ny gazetinao androany. Radriaka, na tainde-lontsinoa no anarany (lantana, ou corbeille d'or). Rehefa mahatsiaro mavesabesatra ny hatoka, na faina, dia alaina haingana ny Radriaka.
• kosehina amin'ny tanana dia fofonina, avy eo safoina amin' ny hatoka.

Na:
• tanehina, raviny 7 amin'ny rano 2 kaopy. Misotro 1 kaopy dia mi-stable. Mety daholo na tosidera midina, na miakatra.

**NY VALOSOA sy Mahaliana****Ny tanànn'i Lanjarivo ny amin'ny distrikan'A ntalahana, faritra Sava**

Ny tanànan'i Lanjarivo any amin'ny distrikan'Antalahana, faritra Sava indray no Mahaliana eto amin'ny gazetinao androany. Renivohitry ny kaominina ambanivohitry Lanjarivo ity tanana ity. Azo lazaina ho iva toerana ihany izy, satria 30 m ny haavony mihatra amin'ny ranomasina, izany hoe manakaiky ranomasina ihany ity tanana ity. Vokatra any ny vokatra fanondrana lavanila.



NY TENY FIAINANA

"Nefia izo no mahatanty ny andro hihaviany? Ary izo no mahajanona, raha miseho Izy? Fa Izy dia tahaka ny afon'ny mpandrendrika sy ny savonin'ny mpanasa lamba."

Malakia 3:2

AFROBASKET 2021 ANY KIGALI

Fantatra ireo mpilalao Malagasy hiatrika ny fifanintsanana

Fantatra amin'izao fo-toana ireo mpilalao amin'ny ekipam-pirenenia Malagasy amin'ny basket-ball, hiatrika ny fifanintsanana amin'ny Afro-basket 2021 hatao any Kigali, renivohitr'i Rwanda. Ireo solontenan'i Madagasikara hiady mandritra izany dingana fifanintsanana dia hahafahana hiatrika ny Afrobasket 2021 any Kigali, Rwanda ny 27, 28 ary 29 novambra ho avy izao: Ireo mpilalao:

-LOUBACKY Rick-Ley

(Ricky).

- BOTOU Valley Olivier.
- MORY Francis Ramanampamonjy.
- RAVELOMANANTS OA John Prince.
- FARALAHY Monja Roman.
- SOONDRAINY Alpha Jean Arnol.
- RANDRIAMAMPIO-NONA Elly.
- RALISON Andriantsoa Hajamaminaina (Mamy).
- MANDIMBISON Constant Fabrice.
- RAMORASATA Solonirina Ndranto Fanomezant-

soa (Danz Kely).

- RATIANARIVO Livio Rucheteau.
- LAHONTAN Rija (France).
- Ireo Staffs na mpanazatra sy mpanaraka azy ireo:
- Coach 1: RASAMOELINA Tojo.
- Coach 2: RAHARIDER Lova.
- Docteur : RANDRIAMI-HAJA Pierrot.
- Ny lehiben'ny delegasiona: RANDRIAMANDIMBY Harririna Jimmy Désiré.

Lita



Ny ekipam-pirenenia Malagasy eo amin'ny basket-ball.

Kaominina Talatamaty

Notokanana ny EPP Tanjondava

Ny faran'ny herinandro dila teo iny, no tontosa ny lanona-na tsotra, nentina nitokanana ny EPP ao amin'ny fokontany Tanjondava, kaominina Talatamaty, distrikana'Ambohidratrimo.

Ahitana efitrano miisa 06 ary mahazaka mpianatra manodidina ny 200 ny EPP Tanjondava. Nomarihan'ireo nifandimby nandray fitenenana toa ny Minisity ny fampianaranana ankapobeny, Sahondramalala Marie Michelle, fa « Zava-dehibe ho amin'ny fanabeazam-boho ny sehatry ny fanabeazana ny fahavitany foto-draftrasa tahaka izao ». Namentana ireo tompon'an-draikitra sy mpianatra eo anivon'ity EPP Tanjondava ity ihany koa Ramatoa ministrta, mba hikajy sy hikolokolo ny toerampianaranana, izay hita fa raitra sy manaraka ny fenitra.



Ny fitokanana EPP tao amin'ny kaominina Talatamaty Ambohidratrimo.

Nandritra ny fandraisam-pitenanan'ny ben'ny tanan'i Talatamaty, Raharinoasy Eli Dominic kosa no nanipihany, fa vokatry ny fiaraha-miasa matotra sy mangarahara eo amin'ireo mpandrahara sy miankina sy ireo tsara sitra-po eny an-toerana, sy ny avy eo anivon'ny kao-minina Talatamaty, no nahazoan'ny EPP Tanjondava ity iha ny foana koa ministrta, mba hikajy sy hikolokolo ny toerampianaranana, izay hita fa raitra sy manaraka ny fenitra. Ny Kaominina Ta-

latamaty, izay miezaka manatontosa ny hetahetan'ireo mponina ho amin'ny fampandrosoana hatrany ny kaominina. Nisy ny ficolorana takelam-pankasi-trahana avy amin'ny ben'ny tanan'i Talatamaty, Raharinoasy Eli Dominic, ho an'ireo rehetra nitoto nahafotsy, sy nahandro nahamasaka ny fahavitany EPP, ao Tanjondava itaany. Ny Kaominina Ta-

Lalasoa R.

facebook

NY VALOSOA
Gazety misheho Intelo Isan-karinandra VAOVAO

Ompa sy heritsandry no itondran'ny mpitondra amin'izao ny firenena



Marcel Razafimahatratra : ompa sy heritsandry ve no itondrana Firenena? Dia tena tsy manaiky mihitsy ve raha tsy mampiseho ilay voyourcratie mihintsy e! Ota fady ny Firenena @ ny anaovanareo azy.

Lalaina Tahina Rasolofo : mianatra an'i Pety sy Voninahitsy Jean Eugène reny, izy ireo koa efa nifanompa sy niady tao Tsimbazaza.

Dina Miharisoa : milay lay combat-na akoholahy fataka a!

Zoé Rmh :nofafan'ilay vendrana iny ny commentaires-ny tato.

Andriamanana Arimahefa Tahiana : zay no manamarina ny "azo raisina fa tsy mitombina".

Rindra Aina : tena mirefarefa trop loatra nama lay mpitondra amin'izao sy ny mpiara-dia aminy.

Olivia Ramanantsitonta : jolahy nomena fahefana !

Louis Paul : sport national ny morengy, ka tsy hitako ny mahagaga. Efa mahazatra io any avaratra.

Randriambahoaka Soanaivo Erik : mila miomana ny hitondra fanjakana.

Jules Ravelomanana :efa nisy senatera vehivavy teto namely totohondry senatera lehilahy. Tao @ lapan'Anosikely.

Tovomahera Herinirina Radoson : mieritriritra izy fa vato eh...vy aza laniny.

Locona Rafalizoelisoa : izay izany ilay hoe mpitari-bato vilam-Bava

Patrick Randrianasolo : indrisy !

Hanitra Ravaoholisoa : mba manaja tena dahol fa maha-menatra, olon-dehibe dahol ianareo ao, na ny teny aloaka ny vava mba lanjalanjao fa tena mahakivy mamaky sy mahita zany ato, tena marina e !

Rabe Riri : Ramarcel a, mba lazao ny any ambony fa tsy ny terrain de foot ihany no tsy ampy eto am tanàna, fa ny terrain de boxe ihany koa e, misaotra anao. Izay no anton'ilay Colisée fa tsy azonareo, hihihiiiii!

Dina Rakotomanga : sssss! Mpanavakavaka.

Marcel Razafimahatratra : enay ary

no tena tsa mpanavaka-vaka kiou.

Louis Paul : morengy re io fa aza asarotina e. Sport io.

Lalaina Nailah : tena giravy, mpitondra miady an-trano marina ireto.

Marcel Razafimahatratra : fatritran'olona. Tena zôdiriana mpitondra, mbola tsy nisy ohatr'izao nandritra izay 60 taona nahazoana fahaleovantaenay izay.

Marie Annick Rasoanindrina : routsouksouuuuuu !

Felana Ange Rasou : hahaha marika Orange indray izany patalohan'ingahy Député zany an!

Sahondra Mampionona Sue : mafatify le chachala ty !

Holarisoa Andrianivosoa : hay SG commune ilay iray io..

Louis Paul : misy tipaka. Tsa morengy sasy ty e!

Randriambahoaka Soanaivo Erik : resabe ny ady atao'nny olomboafidy sy olom-boatendry ity.

Mila fiomanana ny fitantanana fanjakana, izay asan'ny antoko politika ivoahany izany.

Atsaharo ity mijery mpanambola arotsaka ho candidat ity fa lasa mahita Bruce Lee sy Bolo ny mpifidy...

Harilalao Paquerette : mapalahelo le zandarme mpanasaraka.

Nirina Herisetra : effet an'ilay Cvo plus ngamba ty le.

Francis N'Amby Rakotondravelo : henjana.

Nantenaina Herylala : tsy mahalala menatra reo o !

Raketaka Rahaingo Raketamanga : sao mba i vandam sy bily blaky ?

Akory Akory : itony ve zao mahay bisy ba amin'ny Loi des Finances?

Kitty Elyva : mahay miady bé lery.

Cathérine Rasoamiarana: ilay fitondrana Rajoelina mihitsy no mpiady lava, sy mpiady an-trano, tsy lahy, tsy vavy, tsy kely, gtsy lehibe, fa mifamango avokoa.

Jean Baptiste Rajoma: tena efa maha-menatra mihitsy izao fitondrana Rajoelina izao, sady efa tsy mahay n'inona, na inona, no mbola miady an-trano foana koa ny ataony.

Abdallah Fohay: misôma morengy reo io, depute sys g commune, samy tsy mamango, ilay mpiara-dia amin'ny Président Rajoelina mihitsy, tsy mamango aby.

Thierry Ravelonahiana: ity fitondrana ity no tena nahitana zavatra tsy manjary maro indrindra nandritra izay 60 taona nahazoantsika ny fahaleovantaenay izay.

Judicaël Rakotoson: hita mihitsy heo mpitondra lany tamin'ny doublloon sy hosoka, mbola manaonao foana hatramin'izao ireo mpiara-dia aminy.

ORCHIDÉE BLANCHE II TOAMASINA

Nahazo trano fanabeazana avy amin'ny Japone

Nahazo trano fanabeazana vaovao avy amin'ny japone ny foibe fitsaboana sy fanabeazana, na centre medico-éducatif Orchidée Blanche II any Toamasina, faritra Atsinanana. Notokanana afak'omaly izany foto-draftrasa izany, tonga tany an-toerana ny Ambasadaorion'i Japon eto amintsika Higuchi Yoshihiro, sy ireo solontenam-panjakana avy ao amin'ny renivohitry ny fa-

Niaina



Ilay foibe vaovao an'ny Orchidée Blanche II, avy amin'ny japone any Toamasina.

Andapa faritra Sava

Hitokona ny mpandrahara sy mpamboly lavanila

Hitokona ny mpandrahara sy ny mpamboly lavanila any Andapa, faritra Sava. Nikaondoha tao amin'ny salle d'oeuvre Catholique tany Andapa afak'omaly, ireo mpandrahara sy mpamboly lavanila tao amin'ny distrikan'Andapa, niaraka nanaiky ny rehetra fa ny fahavitsian'reo mpanondra na nahazo alalana na agéer, sy fametrahana prix planché, na vidiny voafetra, izay tsy nifampidinohana tamin'reo exportateurs no nahatonga fidinan'ny vidin'ny lavanila eto Madagasikara, indrina fa ny any amin'ny faritra SAVA, izay ny 90% ny olona any dia mivelona amin'io seha-pihariana lavanila io avokoa.

Ka tamin'izany no nanaovan'an'izy ireo antso avo amin'ny filoham-pirenena Andry Rajolena, mba han-dravetra haingana mahana ity resaka lavanila ity, sy hampiakarana



Ireo mpandrahara sy mpamboly lavanila any Andapa.

ny vidiny. Nanome roa herinandro izy ireo hamahana ny olana, ka raha tsy misy valiny dia hiditra amin'ny filanjana banderole eo amin'ny "parckage de la vanilla", haneho ny alahelony izy ireo, ka handoro ireo lavanila tsy misy mpividy, mba

ho hitan'ny rehetra, fa tena sempotra izy ireo. Hita ankehitriny fa tena eo am-bozona ny rano hoan'ireo mpisehatra amin'ny lavanila fa olom-bitsy no migoka ny maminy. Mangataka vahaolana avy aminao ny vahoaka avy aty SAVA Andriama-

toa filoha hoy ny fanambarana. Mimenomenona ny vahoakan'i SAVA iray manontolo ary tena mahatsiaro latsaka an-kantrena tanteraka. Sahirana ny vahoaka any satria ny vidim-piainana miakatra ny vola tsy misy.

Aly

Ambatofinandrahana

Basy 3 sy bala 20 saron'ny mpitandro filaminana

Manataneraka hetsika fampandriana fahalemania iraisana ao amin'ny kaominina Ambanivohitra Fenoarivo, distrikan'Ambatofinandrahana, faritra Amoron'i Mania ireo mpitandro filaminana, miaramila, avy ao amin'hy ZRPS Bravo BOA1 Ambatofinandrahana, sy ny avy ao amin'ny holafin'ny Zandamarina Fianarantsoa namomboka ny 12 Novambra 2020 lasa teo. Vokatr'izay fiaraha-miasa fi-

Stefa



Ireo basy sy bala, saron'ny mpitandro filaminana.

Taratasin'ny mpamaky

Fanehoan-kevitra ampitaina amin'izay mety hiantefany izao manaraka izao : ho vonjentsika izao tontolo izao sady hampindrambola an'i Comores isika... Aiza izao izany ? Ny taux économique aza moins -5%.

Kere kere dia mangahazo maina 3kg araraka @ tany no omena azy ireo ireo olona any Atsimo.

ny ekolazy ny za naky ny sasany anefafa amina miliara...

500 Ar ny kg ny vary nolazaina, nefà 700 Ar ny kapoaka mora indrindra amin'izao !

Tsy mahagaga raha very fanahy ny gasy mpanohana fitondrana, fa jamba tanteraka. Izy ireo koa no te-hifidy olona efa hita fa tsy alehany hatrany amin'ny voalohany, ilay olona tohanany dia i Andry Radomelina izany? tena filoha domelina e!


Miantso anao ny firenena Dada, fa viravirain'ny mpangalatra mpandroba, mpandainga, mpamitaka,... ny firenena.

Jean Paul Razafiarison
Mpamaky gzety Ny Valosoa Vaovao

Salon du Vita Malagasy

Ho tanterahana etsy amin'ny AFT Andavamamba ny 27 sy 28 novambra izao

Handray hetsika ara-toekarena sy ara-barotra indray ny etsy amin'ny AFT Andavamamba ny 27 sy ny 28 novambra ho avy izao. Ho tanterahana mandritra ireo 2 andro ireo ny « Salon du Vita Malagasy », na ny fampi-rantiana momba ireo entana sy zavatra vita Malagasy. Handray anjara amin'izany hetsika izany, ireo orinasa madinika sy salantsalany eto amintsika, eo amin'ny sehatry ny asa tanana, ny momba ny sakafy, ny momba akanjo sy ny fanaovan-damba, ny sehatry ny fitsaboa, ny sehatry ny fanaovana fanaka isan-karazany, ary ny sehatry ny fandravahana samy hafa, ny sehatry ny haingo sy ny endrika amam-bika,...



Ny AFT Andavamamba handray hetsika momba ny varotra sy ny toekarena indray.

Ady amin'ny zava-mahadomelina

Voasambotra ireo roalahy mpivarotra rongony amin'ny mpianatra

Voasambotry ny polisy misahana ny ady amin'ny zava-mahadomelina ireo roalahy mpivarotra rongony amin'ny mpianatra. Nosamborin'ny Polisy izy roalahy, noho ny fivarotana rongony sy zava-pisotro mahamamo akaikin'ny sekoly "SEKINA" etsy Androndrakely, Bori-boritany faha-2 eto Antananarivo Renivohitra. Tamin'ny fahatongavan'ny Polisy teny an-toerana dia mbola nahatratrana rongony 03 fonosona sy toaka gasy 05 litatra tao amin'izy ireo. Fantatra tamin'izany, fa ny mpianatra eny amin'ny manodidina an'io faritra voalaza etsy ambony io no tena tadiavin'izy ireo hanjifa ireo entana. Efa naiditra am-ponja eny Antanimora izy roalahy ireto, taorian'ny fanolorana ireto farany teny amin'ny fampanoavana.

Stefan



Ireo roalahy mpivarotra rongony sy toaka gasy amin'ny mpianatra.

Mpiandry raharaha

PHARMACIES DE GARDE
14/11/2020 hatramin'ny
21/11/2020

- SOARY (ladiambola Ampasapito) 020 22 410 58/032 11 248 05

- PROVIDENCE (Andohamanalakely près ex cinéma Rex) 020 26 407 27 / 034 52 002 90 / 033 13 481 42

- RALISON (Antanimena) 020 22 226 14/034 44 429 51

- RASOLONJATOVO (Anosy en face HJRA) 020 24 570 38/034 64 838 61

- ANDOHATAPENAKA (67ha sud Route FDC près station Galana) 020 22 670 70/034 02 670 70/032 12 670 70

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopitaly Befelatana :
22 223 84 / 22 6 N72 21

Hopitaly
Loterana Ambobibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40
Jirama:

Telma : (22)3547 (n° vert) /
Airtel : 03 35 47 / Orange :
032 32 3547

Pompiers :
Tél : 118/ 22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalana : 22 280 54
2° Ambanidina : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimanarina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84
GIR : 22 227 35

Gazetim-baovao miseho
intelo
isan-kerinandro
Vidiny: 300 Ar
Adresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsialvalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1095-11-2020
Isan'ny natonta: 10 000

Tsy azo adika, na alain-tahaka, na
antsaina ampahibemaso
raha tsy ahazoana alalana vita
sortanana avy amin'ny
tompony

TSENABEN'NY FIZAHANTANY

Fanomezana tosika ny fizahantany anatiny

O mena tosika ny fizahantany anatiny, mba hahafahana manarina ny seha-pihariana fizahantany eto Madagasikara tao aorian'ny krizy ara-pahasalamana, izay nahazo an'izao ton-tolo izao. Nanome vahana ny fivelaran'ny tontolony fizahantany ho an'ny teratany Malagasy ny fisian' ireo tolota 10 % hatramin'ny 50% nataon'ireo "Agence de voyage", "Tour operator", Tranor fan-draisambahiny sy ireo mpampanova fiara ary ny Kaompania fitaterana an'abakabaka, nandritra ny tsenaben'ny fizahantany andiany voalohany, natao tetsy amin'ny Zaridaina Antaninarenina ny 12 Novambra 2020, ka hatramin'ny 14 Novambra 2020 lasa teo. Nilaza Andriamato Rakotonaina Yves, Tale Jeneralin'ny Ministeran'ny fizahantany, fa nampiseho, fa afaka mampiroborobo ny sehatry ny fizahantany ny olom-pirenena Malagasy tamin'ny alalan'ity hetsika ity, mba hiarovana an'ity



Ny tsenaben'ny fizahantany tetsy Antaninarenina ny herinandro lasa teo.


seha-pihariana ity tsy ho faty. Nanohy fanazavana ity tompon'andraikitra ity, fa ambolena tsikelikely amin'ny Malagasy manomboka izao, fa azony atao ny mampihodina ny fizahantany ao amin'ny taniny amin'ny alalan'ny fahafahana misy. Ny fam-pahafantarana ny harenan'i Madagasikara, sy ny fanampiana ny mpandrapharaha anatiny ary ny famporishana an'ireo

mpisehatra amin'ny fizahantany, hiditra amin'ny ara-dalana no tanjona faharoa tamin'ity Tsenaben'ny fizahantany ity. Marihina fa tranoheva miisa 16 sy mpandray anjara maherin'ny 30 no niara-nisalahy tamin'ny fanatanterahana an'ity hetsika fizahantany ity ary mpitsidika maherin'ny 5000 no tonga nanohina ny antso.

Franck Razakambelo

BEHARO

Teny tondro (Ny Valosoa Vaovao) N° 327



Misy ny teny Malagasy ofisialy sy ny tenim-paritra

Ohatra : Valy = Vady

BL = Bory Loha

BR = Bory Rambo

MIV = Mivadika

MIK = Mikorontana

Valliny Teny Tondro (0326)

Mitsivalana

- Trainainy
- Ny - Fod/y
- Elatra
- Rora - Mod(y)
- Adala (miv) – (H)en(a)
- Nitafa
- Ala – Zo (miv)

Mitsangana

- Toerana
- Lol(o)
- Anarana
- Nitady
- Ota (miv)
- Mafy (miv) – Az
- No – Feo (miv)
- Mandidy (miv)

Fidinan'ny vidin'ny lavanila

Hidina an-dalambe ny vahoaka miaraka amin'ny depioite

Noho ny fidinan'ny vidin'ny lavanila any amin'ny faritra Sava, hidina an-dalambe ny vahoaka miaraka amin'ny depioite voafidy tany an-toerana dia ny depioite Ma-mangy Norbert, n any depioite Jack. Manomana diabe am-pilaminana miaraka amin'ny vahoaka ny solomba-vambahoaka MAMANGY Norbert dit JACK, mba ho fanoherana ny fidinan'ny vidin'ny vokatra lavanila, sy hanairana ny tompon'andraiki-panjakana, sy ireo mpi-tondra mahefa.

Raha tsiahivina dia niady mafy ny amin'io resaka lavanila io, ny depioite, voafidy tao Sambava ary efa niresaka tamin'ny mitpondra fanjakana maro, efa niresaka teo anivon'ny Assemblée Nationale ary efa niakatra tamin'ireo haino aman-jery samihafa koa, namelabelatra ny momba ny fijalian'ny vahoaka any amin'ny faritra SAVA. Anisan'ny nampidina ny vidin'ny lavanila ny fametrahana ny prix planché tsy nierana tamin'ireo exportateurs ary koa ny fahavitsian'ny olona nahazo agrément amin'ny resaka exportation. Tena mikaikaika ny vahoaka noho ny fahasahiranana mahazo azy, ny vidim-bokatrora, ny vidim-piaianana mindangana izay tsy izy.

Aly



Ny depioite Jack, nitafa tamin'ny mpanao gazety tany Sambava.

TENY MIFANAPAKA

N° 327

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

Mitsivalana

1. Foko 2. Taova (miv) – Esotra 3. Vovonana 4. Avotano, tsinjovinao 5. Tsirin-teny – Antoko politika 6. Vizana – Hazo maro – Kianteny (miv) 7. Alamina, alahatra 8. Petaho – Von-gady 9. Mampisafidy – Ino ? 10. Misitrika

Mitsangana

- A. Tomady – Tao B. Toeram-piasana D. Eo amin'ny rantsatana – Aminy E. Antsibe maro loko (miv) – Tapaka F. Tany kely – Mpanondro toerana G. Areti-kibo (miv) H. Hasondrony I. Tsenabe (miv) – Nandeha any an-trano (miv) J. Mipetraka amin'ny tanana K. Mitsilo sy manazava – Faran-teny

Valiny Teny mifanaraka 0326

Mitsivalana

1. Solitary 2. Olana - Ando 3. Aolanay – Ar 4. Ma - Davida 5. Abidy - Hazo (miv) 6. Nenina - (V)ata 7. Ela - Noho (miv) 8. Ro - No - Voay 9. Entanao 10. Taona - Voin(a)

Mitsangana

- A. Soa - Terena (miv) B. Olombelona D. Lalaina - To E. Ina - (Alaha)dy - Nan(a)F. Tandindona G. AAH. Naivo - Vovo (miv) I. In - Izaho J. Dadatanya K. Torahany

An-tsary misongadina Ny Valosoa Vaovao

Helisoa

Ny fivoran'ny «Collectif des élus maires et conseillers TIM» tetsy Bel'Air omaly.

